



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vsvardi Martyrologivm

Usuardus <Sangermanensis>

Lovanii, 1573

Capvt III.

urn:nbn:de:hbz:466:1-42790

nonnulli è Roma, ob fidei prædicationem, Gallias adierunt, vt Quintinus, Crispinus, Crispinianus, Lucianus, Fuscianus, Victoricus, Regulus, Piatas, Chrysolius, & alij. Ex his Fuscianus & Victoricus Christum prædicauerunt Ambianis & Morinis, postmodum Ambianis glorioso martyrio coronati, vt plærque alij alijs in locis, per Rictio-uarum Galliarum præsidem.

Morini.

Tornacenses.

Piatas vero & Chrysolius Tornacum Christi nomen atque Euangelium attulerunt, idemque martyrio obfignarunt, Piatas sepultus Siclinij apud Tornacum: Chrysolius, Cominij ad Lisam.

CAPVT III.

Constantinus imperator appellatur anno trecentesimo sexto, imperat annis triginta & vno. Sub hoc imperatore, cessante persecutione paganorum, vnica Arii Alexandrini scintilla, orbem Christianum populata est. Quam pestilentissimam & diuturnam hæresim, innumera mala concomitabantur.

Floruit post mortem Constantini sanctissimus Seruatius, primus Tungrorum proprius episcopus, qui contra Euphratem pseudoepiscopum Arianum, sententiam protulit in Concilio Agrippino: qui que Arimini non cessit minis & terculis Arianorum, sed contra eos fidei professiones edidit.

*i. Belgarum
vastatio
per Vandalos &
Hunnos.*

Idem vir sanctissimus, cum rumor esset Vandalos & Hunnos in Gallias velle prorumpere, ieiunijs & vigilijs vacans, & crebro lachrymarum imbrepersusus, Dominum precabatur, ne vnquam gentem

gentem hanc incredulam, in Gallias venire permitteret. Sed sentiens per spiritum pro delictis populi hoc sibi non concedi, Romam expetijt, ibique adiunctis Apostolicæ virtutis patrocinijs, hoc ipsum flagitabat. Sed ab Apostolo responsum accepit, Domini deliberatione Hunnos Gallias maxima tempestate debere depopulari, sed ipsius oculos ea mala non visuros. Quare Tungros rediens, relicta vrbe, quæ euertenda erat, sedem episcopalem Traiectum transposuit, vbi modica febris pulsatus, à corpore recessit.

Subsecuta est magna Dei per totas Gallias indignatio, qua eas à Vuandalis, Hunnis, & alijs nationibus, deuastari permisit. De ea sic scribit Gerontiaë Hieronymus. Quod rari huc vsque residemus, non nostri meriti, sed Domini misericordiæ est. Innumerabiles & ferocissimæ nationes, vniuersas Gallias occuparunt. Magoniacum nobilis quondam ciuitas, capta atque subuersa est, & in ecclesia multa hominum milia trucidata. Vangiones longa obsidione deleti. Remorum vrbs præpotens, Ambiani, Atrebatæ, extremique hominum Morini, Tornacus, &c. populata sunt cuncta.

In ea vastatione martyrio occubuit S. Nicasius Remensis episcopus, qui Missarum solennitatibus peractis, à Vuandalis, intra ecclesiam Remensem, passus est martyrium. Subfuerunt autem Remensi archiepiscopo in nostro Belgio episcopatus quatuor, Atrebatensis, Cameracensis, Tornacensis, & Morinensis. Huius enim episcopatus maior portio in Belgio semper fuit.

M Vidit

Vidit huius vastationis miserias confessor Victorius, sanctissimus episcopus Rothomagensis, ad quem Innocentius primus epistolam scripsit decretalem. Cui multum Belgæ debent. Scribit enim sanctus Paulinus Nolanus præsul, eius prædicatione lucem magnam accepisse & Morinos, & Neruicum tractum, in quo primaria vrbs est Tornacus.

Porro Vuandali, anno quadringentesimo decimo tertio, Gothorum timore Gallias reliquerunt, quas per multos annos lacerauerant, & primum Hispanias occuparunt, deinde Mauritaniam inuaserunt, denique Africam indignissimis modis tractauerunt.

Nec Tungri ab eis excisi vnquam pristinam dignitatem recuperare potuerunt, humile postea oppidum, & Hasbaniaë annumeratum. Vacauit etiam sedes à morte Seruatij, vsque in Clodouei tempora. Sub quo interuallo Traiecti claruit S. Candidus episcopus.

Eodem interuallo claruit sanctissimus Seuerinus episcopus Coloniensis, qui in transitu beati Martini audire meruit voces psallentium angelorum. Cuius maximo sudore & sana doctrina, non tantum Coloniensis ecclesia, sed etiam Tungrensis, & vicina, ab infestatione Arianæ hæresis, sunt defensæ.

Succesit ei suus archidiaconus S. Euergillus, patria Tungrensis, qui etiam patrium locum, & multa prædicatione, & martyrio, decorauit.

Subsecuta est secunda Galliarum vastatio, anno quadringentesimo quinquagesimo tertio, per Attilam

Attilam flagellum Dei, qui cum quinquaginta millibus Hunnorum, instar turbinis, sic totam Galliam vastauit, quod vix vlla ciuitas Hunnicam rabiem subterfugerit. Sed superuenit Ætius Romanus, qui in campis Catalaunis Attilam regem vicit; vbi cæsa sunt centum octoginta quinque millia, inter quos Theodoricus rex Visigothorum. Vnde Attila cum reliquijs in Pannoniam se recepit & inde Italiam agresus, omnes penè ciuitates eius aut diruit, aut diripuit, aut incendit.

2. Belgiorum vastatio per Attilam Hunnorum regem.

Anno quadringentesimo quinquagesimo quarto sanctus Eleutherius consecratur episcopus Tornacensium, qui in suburbio resedit annis octo, Tornaci annis triginta septem, de quo Tornacenses canunt:

*Miro modo sunt conuersi
Per hunc ciues vniuersi.*

CAPVT IIII.

Clodoueus primus Francorum rex Christianus, regnavit annis triginta, obiit anno quingentesimo decimo quinto. Hunc regem S. Vedastus Catholicæ fidei firmis initiauit fundamentis, qui postmodum à beato Remigio, Remorum archiepiscopo, ordinatus episcopus, & ad prædicandum verbum vitæ Atrebatensi vrbi dirigitur, quam gubernauit annis quadraginta.

Artesj.

Childebertus Clodouei filius cum Clotario fratre regnat annis quadraginta quinque, moritur anno quingentesimo sexagesimo. Clotarius solus regnat annis quinque, moritur anno quingentesimo sexagesimo quinto.

M a Sub